

OROQUIETA CUT FLOWER, GROWERS & VENDORS ASSOCIATION
Senator J. Ozamis Street, Pob. 1, Oroquieta City
Misamis Occidental

BATAKANG BALAOD

PASIUNA

Kami mga myembro sa Cut Flowers, Growers Vendors Association kinsa nga nagkahiusa ang among tinguha sa pagmugna ug usa ka kapunungan alang sa kauswagan o kalambuan ug pag-uswag kanamong mga sakop niini pinaagi sa panginabuhi, pamatasan ug kinaiya ubos sa kahayag sa atong Dios nga langitnon ug labing gamhanan, dinhi nagmugna ug balaodnon kinsa nagbutyag ning maong "constitution and by-laws"

ARTIKULO I

NGALAN UG LUGAR SA KAPUNUNGAN

- Section 1. Ang ngalan ning maong kapunungan mao ang Oroquieta Cut Flower, Grower Vendors Association
- Section 2. Ang dapit o lugar nga opisyal nga nahimutangan sa among kapunungan mao ang Senator J. Ozamis Street, Poblacion 1, Oroquieta City

ARTIKULO II

KATUYUAN

- Section 1. Ang katuyuan sa kapunungan mao ang pagpanalipod ug pagpalambo sa kaayuhan sa mga kabayen-an aron makatabang sa panginabuhian sa tagsa-tagsa ka pamilya ning maong kapunungan.
- Section 2. Ang labi pang importanting katuyuan sa kapunungan mao ning musunod:
- 2.a. Ang pagplano ug pagmugna ug usa ka programa sa panginabuhi sa mga sakop niini.
 - 2.b. Ang pagdasig sa mga sakop sa kapunungan sa paghimo ug mga buluhaton nga mahimong maayong kapanaminan sa atong nasud nga Pilipinhon.
 - 2.c. Ang pagtimbayayong ug pagtinabangay alang sa kaayuhan ug kalambuansa organisasyon kauban sa pagsalig ug pagtuo sa Dios nga labawmakagagahom ug tag-iya sa tanang mga butang sa kalibutan.
 - 2.d. Paghimo ug uban pang kalihukan sa kapunungan nga may kalambigitan sa mga katuyuan sa paglambo ning maong kapunungan.

ARTIKULO III

PAGPASAKOP UG PAGKATANGTANG SA PAGKASAKOP

- Section 1. Ang pagpasakop ning maong kapunungan mahimo ni bisan kinsa nga lumolupyo sa Oroquieta City
- Section 2. Ang gusto magpasakop ning maong kapunungan kinahanglan dise-utso (18) panuigon pataas.
- Section 3. Ang pagpasakop ning kapunungan kinahanglan adunay certificate of attendance sa pre- membership ug mobayad sa Php. 20.00 isip membership fee.
- Section 4. Ang pagpasakop ning maong kapunungan kinahanglan motoman sa lagda ug balaod nga gilati sa organisasyon sa pagpasakop ug kinahanglan mobayad siya sa mga balayronon sa kapunungan.
- Section 5. Basehan sa pagkatangtang sa Pagkamiyembro:
- 5. a mapamatud-an nga wala musunod ning balaod ug mga kasabutan
 - 5. b makatulo (3) ka sunod sunod nga pag-absent nga walay balido nga rason

ARTIKULO IV

KATUNGOD UG KATUNG DANAN SA MATAGSAKOP SA KAPUNUNGAN

- Section 1. Katungod. Ang matag sakop sa kapunungan kinahanglan magpabilin isip maayong sakop sa kapunungan aron siya makapahimulos ning maong mosunod nga katungod:
- 1. a paminawon ang iyang katungod o opinion sa mga butang nga may kalambigitan sa kapunungan
 - 1. b may katungod siya sa pagbotar sa butang nga ipresentar diha sa meeting o sa pagpili panahon sa eleksyon ug kalamboan sa assosasyon
 - 1. c makatagamtam siya sa tanang benepisyo nga alang sa sakop sa kapunungan.
 - 1. d may katungod sa pagpangayo sa impormasyon sa mga record, libro ug uban pa
 - 1. e may katungod sa pagpapili ug magpapili sa matag piniliay sa kapunungan
- Section 2. Katungdanan.
- Ang matag sakop sa kapunungan adunay katungdanan ning mga musunod:
- 2. a pagtuman sa constitution and by-laws ug mga resolusyon nga gimugna sa Kapunungan ug uban pang pamalaod
 - 2. b pagpanalipod sa ngalan ug integredad sa kapunungan
 - 2. c pagpalambo ug pagsuportar sa interes ug katuyuan sa kapunungan
 - 2. d aktibo nga motambong ug mosalmot sa tanang meeting ug kalihukan sa Kapunungan
 - 2. e mobayad sa tanang balayronon ug amoton nga gikauyunan sa tanang sakop sa Kapunungan

ARTIKULO V

ASSEMBLIYA HENERAL

Section 1. Ang assemblya heneral mao ang pinakataas nga magbabalaod sa kapunungan ug ang tanang balaod, polisiya, ug mga plano nga iaprobahan sa assemblya ginahanglan pagasundon sa tanang sakop sa kapunungan.

Section. 2. Ang assemblya heneral nagalangkob sa tanang sakop sa kapunungan.

ARTIKULO VI

OPISYALIS

Section 1. Ang mga sakop sa kapunungan magpili ning mga opisyalis ug mga membro sa mga komitiba nga mao ning mga musunod :

- i. usa (1) ka pangulo
- ii. usa (1) ka puli pangulo (vice president)
- iii. usa (1) secretaryo
- iv. usa (1) ka tresurero

Section 2. Duha ka tuig ang termino sa matag opisyaless

ARTIKULO VII

MGA BULOHATON SA MGA OPISYALIS

Section 1. PANGULO. Siya ang pangulong ehekutibo, mudumala sa matag tigum, morepresentar sa kapunungan, mopirma ug papeles sa kapunungan, mopatawag ug emergency meeting kong gikinahanglan ug tsirman sa tanang meeting.

Section 2. PULI-PANGULO. Siya mao ang mopuli sa buluhaton sa pangulo panahon nga wala ang pangulo.

Section 3. SECRETARYO. Siya ang tig kuha sa mga minutos sa tanang meeting sa kapunungan ug mopreparar sa mga resolution, pahibalo sa tanang meeting nga pagahimuon sa opisyalis, komitiba ug sa mga sakop sa kapunungan ug mohimo ngadto sa tanang buluhaton nga isugo sa mga opisyalis niini.

Section 4. TRESURERO. Siya ang tighipos sa mga kabtangan ug modiposito sa kwarta sa kapunungan ngadto sa bangko , mo record ug mga documento lakip na ang tanang bililhong butang sa kapunungan.

Section 5. AUDITOR. Ang mga auditor maoy mga audit ug mo imbentaryo sa panalapi ug kabtangan sa kapunungan ug morekumendar sa pag-aprobar sa mga transaksyon sa kapunungan mahitungod sa resibo , panggastos ug paggawas sa kantidad ug bililhong butang sa kapunungan.

Section 6. PIO. Ang PIO mao ang mopahibalo sa mga meetings ug mga kalihukan.

Section 7. SOCIAL MANAGER. Ang social manager mao ang mopahigayon kong adunay mga actividades pampubliko nga pagahimoon sa organisasyon

ARTIKULO VIII

PANAGKATIGUM

Section 1. Ang binulan nga meeting sa matag miyembro pagahimuon matag unang Sabado sa bulan.

Section 2. Paghimuon nga quorum –Ang meeting pagahimuon nga quorum kon makakuha na ug mayoria sa mga sakop sa kapunungan labaw na sa katunga (50 + 1) ang gidaghanon sa sakop sa kapunungan ang mitambong , mao na kana ang quorum .

ARTIKULO IX

MONTHLY DUES/ PENALTY/SHARE CAPITAL

Section 1. Kada miyembro magabayad ug binulang balayronon nga Php. 5.00.

Section 2. Si kinsa nga miyembro ang dili maka-attend ug meeting ug mga aktibidadis pagasilutan ug Php 50.00.

ARTIKULO X

SOURCES OF FUNDS

Section 1. Ang mga musunod mamahimong dinhi magikan ang pundo sa assosasyon:

1. a monthly dues
1. b penalties
1. c financial assistance from granting agencies
1. d ug uban pang lagal nga paagi ka kapanguhaan ug pundo

ARTIKULO XI

RE-ELEKSYON SA MGA OPISYALIS UG MGA MEMBRO SA KOMITIBA

Section 1. Ang pagpili sa mga opisyalis ug mga membro sa mga komitiba sa kapunungan pagahimuon maka-usa sa matag duha (2) sa tuig sukad sa pagkamugna niini ug mamahimong mapili ang usa ka opisyaes sa susamang posisyon sulod sa duha lamang ka termino.

Section2. Ang pamaagi sa pagpili sa mga opisyalis paga himuon sa sekreto nga balota. Mayoriya nga boto mao ang iproklamar nga mananaog sa maong piniliay.

Section 3. Ang napilian nga opisyalis ug mga membro sa komitiba molingkod sa katongdanan sa human mapili ang bag-ong mga opisyaes.

Section 4. Bakante nga posisyon –Kon mobakante nga posisyon sa opisyalis o membro sa komitiba, ang pangulo mopatawag dayon ug usa ka espesyal nga piniliay sa nakabakante nga posisyon .

ARTIKULO XII


KAUSABAN


Section 1. Kon adunay kausaban nga pagahimuon niini nga constitution and by-laws, kini ipresentar sa Assembliya Heneral ug paga aprobahan sa 2/3 nga gidaghanon sa mga sakop sa kapunungan.

ARTIKULO XIII

EPEKTO


Section 1. Kini nga constitution and by-laws moepekto human mipirma ang mga sakop sa kapunungan niining ika 18 sa bulan sa February, 2012 dinhi sa Oroquieta City, Philippines.


Virginia A. Lanaria



Emma U. Damuag



Zotica C. Lapad



Vergie T. Guillar



Flordiliza R. Toledo

Members:

1. Victoria Mag-aso
2. Rosita A. Palluto
3. Alma B. Salingay
4. Merlinda M. Salingay
5. Laurencia P. Terez
6. Wilma M. Cajuday
7. Aida Labadan
8. Melanne Gumandoy
9. Elmira T. Neri
10. Belen Enao
11. Barbara N. Amahan
12. Esterlita T. Balatero
13. Gen P. Guelles
14. Florenda P. Guiritan
15. Charles A. Pino